

PROKOLO ETA ANTZEKO ARAZOAK ARAUTZEAZ (*)

I. b) Batzar protokoloaz

13. bis artikulua. Arautegiaren 19. artikulua garatuz, bilkura berezi agerikoak protokolo propio batekin arautuko dira.

13. ter art. Mahaipuruan, agintari edo beste erakunde ordezkariak ez balego, Barne Erregela hauen 1. artikuluan esana beteko da. Horrez gain, mahaian berean lekua egonik, parte hartu behar duten hizlariak, mahaipuraren alboan lehentasunezko jarleku bat jartzen ez zaienean.

13 quater art.

1. Agintari edo beste erakunde ofizialen ordezkariak mahaipuruan direnean, Euskaltzainburua eta Idazkaria eseriko dira, Euskaltzainburua, agintari nagusiaren eskuinean eta Idazkaria, alde berean, gainontzeko ordezkarien ondoren.

2. Euskaltzain osoek lehentasunezko jarleku ilada bat izango dute, ordena honetan: Euskaltzainburu-ordea, Diruzaina, Euskaltzainburu ohiak, eta hauek antzinasun ordenaz; gainontzeko euskaltzain osoak, hauek ordena batean jartzekotan, antzinasunaren ordenean; eta tokirik izanez gero euskaltzain ohorezkoak, era berean eta azkenik, euskaltzain urgazleak.

13. quinquies art. Agintari edo beste erakunde ofizialekiko protokoloa honela izango da:

1. Euskaltzaindiaren Egoitzan bilkura egiten denean, Estatu Burua, Euskal Autonomi Erkidegoko Lehendakaria, Bizkaiko Diputatu Nagusia eta Hizkuntz Politikarako Burua. Mahaipuraren alboan, eskuinean, Euskaltzainburua.

2. Diputazio Jauregi, Udaletxe edo beste egoitza ofizial batetan bilkura izanik, tokian tokiko protokoloa edo ohiturak gordeko dira, dago-

(*) 1989.eko Apirilaren 28ko batzarrean onartua Euskaltzaindiaren Barne-Erregelen gehigarri legez.

kion eremuko gobernu, diputazio edo udaleko kargudun nagusiaren alboan Euskaltzainburua izanik.

3. Unibertsitate edo antzerako zientzi erakunde baten egoitzan izanez gero, tokiko ohiturak gorderik, bertako Errektore edo kideko akademi arduradunaren alboan izango da Euskaltzainburua.

4. Beste eremu batetako agintariek lehentasunezko jarleku bat izango dute eta jarraian, tokirik izanez gero, zientzi edo kultur erakundeetakoek.

* * *

AKADEMI DEITURAK ERABILITZEAZ

45 bis artikulua. Arautegiaren 3. artikulua kontuan izanik, Euskaltzaindia osotzen duten kideentzat honela aipatu behar da beren akademikotasuna, hiru hizkuntzetan:

- 1.1. *euskaltzain oso/académico de número/académicien titulaire.*
- 1.2. *euskaltzain urgazle/académico correspondient/membre correspondant de l'Académie.*
- 1.3. *euskaltzain ohorezko/académico de honor/membre d'honneur de l'Académie.*
2. euskaltzain/académico/académicien hutsean euskaltzain osoek baik ezin erabil dezakete, ez eta bestek euskaltzain osoentzat baikik.
3. Euskaltzaindiaren kargu, ordezkaritza edo ardura, akademikotasunaren atzetik jarri behar denean, eta beti ere, zehazki izendatuz.

Komunikabideetan norberaren erizpen partikularrak izan gabe erakundearen nolabaiteko lotura dutenean, kargu, ordezkaritza edo ardura zehatza jarri beharra dago.